

**Ўзбекистон Республикасининг “Маъмурий жавобгарлик тўғрисидаги кодексига ўзгартириш ва қўшимчалар киритиш тўғрисида”ги Қонуни лойиҳасига  
ТУШУНТИРИШ ХАТИ**

**Қонун лойиҳасини ишлаб чиқишга асос**

Ўзбекистон Республикаси Президентининг 2019 йил 13 августдаги “Хусусий мулкни ҳимоя қилиш ва мулкдорлар ҳуқуқларининг кафолатларини кучайтириш, тадбиркорлик ташаббусларини қўллаб-қувватлаш борасидаги ишларни ташкил қилиш тизимини тубдан такомиллаштириш бўйича қўшимча чора-тадбирлар, шунингдек, тадбиркорлик субъектларининг молиявий ресурслар ва ишлаб чиқариш инфратузилмасидан фойдаланиш имкониятларини кенгайтириш тўғрисида”ги ПФ-5780-сон ҳамда 2020 йил 29 июндаги “Ўзбекистон Республикасида коррупцияга қарши курашиш тизимини такомиллаштириш бўйича қўшимча чора-тадбирлар тўғрисида”ги ПФ-6013-сон Фармонларига асосан ишлаб чиқилди.

**Умумий таҳлил ва объектив баҳо**

Давлат харидлари тўғрисидаги қонун ҳужжатларини бузганлик учун жавобгарлик белгиланмаганлиги соҳада турли хил суиистеъмолчиликларга олиб келади.

Мазкур жавобгарликнинг киритилиши оқибатида давлат харидлари субъектларининг масъулиятлилигини ошириш, маблағларнинг мақсадли ва самарали сарфланишини таъминлашга эришилади.

**Мақсад ва вазифалар**

Давлат харидлари тўғрисидаги қонун ҳужжатларини бузганлик учун жавобгарликни белгилаш ҳамда давлат харидлари субъектлари ва уларнинг мансабдор шахслари қонун ҳужжатларига мувофиқ давлат харидлари тўғрисидаги қонун ҳужжатларига риоя этиши ва шартнома бўйича мажбуриятлар талаб даражасида бажарилишини таъминлаш мақсадида лойиҳа ишлаб чиқилди.

**Халқаро тажриба ҳақида**

Россия, Қозоғистон, Грузия, Молдова ва бир қатор бошқа хорижий мамлакатларда давлат харидлари тўғрисидаги қонун ҳужжатларини бузганлик учун ушбу мамлакатларнинг маъмурий жавобгарлик тўғрисидаги кодексларида жавобгарлик белгиланган.

**Кутилаётган натижалар**

Қонун лойиҳасининг қабул қилиниши давлат буюртмачиларининг харидларни амалга оширишда касбий маҳорати даражасини ва масъулиятини янада оширилишини таъминлайди.

Давлат харидлари соҳасида давлат буюртмачиларининг жавобгарлигини кучайтириш, улар томонидан давлат харидларини амалга оширишда амалдаги қонун ҳужжатлари талабларига қатъий риоя этишини, соғлом рақобатга асосланмаган савдоларни ташкил этилмаслигини ҳамда барча тадбиркорлик субъектларига тенг имконият яратилишини таъминлайди.

Шунингдек, давлат харидлари соҳасида коррупцияга оид ҳуқуқбузарликларга йўл қўймаслигига эришилади.

### **Муҳокамалар тўғрисида маълумот**

Ўзбекистон Республикаси Вазирлар Маҳкамаси томонидан тасдиқланган Йиғилиш баёни (№02/1-1320, 19.06.2020й.) билан давлат харидлари соҳасидаги муносабатларни тартибга солишни ва шаффофликни янада такомиллаштириш бўйича Ишчи гуруҳ тузилди. Ишчи гуруҳ томонидан жорий йилнинг 18-25 июн кунлари видеоконференциялоқа шаклида йиғилиш ташкил қилинди ҳамда Қонун лойиҳаси муҳокамадан ўтказилди. Шунингдек, манфаатдор вазирликлар ва идоралар билан келишилди.

### **Қонун лойиҳаси тузилиши**

Ўзбекистон Республикасининг “ Маъмурий жавобгарлик тўғрисидаги кодексига ўзгартириш ва қўшимчалар киритиш тўғрисида”ги Қонуни лойиҳаси 3 та моддадан иборат.

Қонун лойиҳасининг 1-моддасида давлат харидлари тўғрисидаги қонун ҳужжатларини бузганлик учун жавобгарлик назарда тутилган.

2-моддасида ҳукумат қарорларини ушбу Қонунга мувофиқлаштириш.

Шунингдек, Қонун лойиҳасининг 3-моддасида қонун лойиҳасини кучга кириши билан боғлиқ меъёрлар акс эттирилган.

Ушбу Қонун лойиҳасининг қабул қилиниши бюджетдан қўшимча харажатларини талаб этмайди.

Молия вазирн



Т. Ишметов